

Табасарандин сес



Табасаран райондин
жямьяьтлугъдинна - политикайин газат



Голос
Табасарана

№ 33 (1076) Жвуми, 19 -пи август, 2022-пи йис (2001-пи йисан 5-пи майдианмина удубч1вур)

Табрик аплуб

Урусатдин пайдгъин Йигъахъди!

Аьзиз ватанагълийир!
Мялум вуйганси, ихъ уьлкейиь 1994-пи йисханмина август вазлин 22-ди адлу машкварикан саб кьайд аплура. Думу йигъан ухъу Урусатдин Федерацияйин Государствойин шубуб ранган пайдгъин Йигъ кьайд аплурхъа. Думу Йигъ, официално ригъятвал йивру йигъ вуди мялум дапну адаршра, дидихъди аьлакьалуди жюрбежюр серенжемар гъахуб аьдатнаь убч1вна. Думу серенжемарин метлеб - му ихъ ватанагълийириз думу машкваран тарихдикан, Урусатдин государствойин лишнарин важиблуваликан ва эгъемиятлуваликан к1ваин аплуб ву.

Райондин вари агъалйир думу машквархъди табрик аплурза. Гъит, гьарган дюньяйиь ислягъвал, халкьарин арайиь мясляьт ади ишири, хъа ихъ уьлке гьарган кюкю адабшвурайи уьлкьйирикан саб вуди гъубзри!

**«Табасаран район»
МР-ин Глава
М. С. КЪУРБАНОВ.**

О звании «Мать-героиня»

Президент РФ Владимир Путин подписал указ об учреждении звания «Мать-героиня», награжденные получают по 1 млн рублей. Также введена денежная выплата при награждении медалью ордена «Родительская слава» и увеличена выплата при вручении ордена.

Почетным званием «Мать-героиня» будут награждать матерей, родивших и воспитавших десять или более детей. Кроме ордена они получают единоразовную выплату в размере 1 млн рублей. Матери и ее

(Окончание на 8 стр.)

Йик1бан кьяляхъ ордендинди лишанлу гъап1ну

Ухъуз мялум вуйганси, Украинайиь к1ули гъабхурайи военный спецоперация анжах, дявдин гьаракатарий иштирак хьувалин ляхин ужуйи агъю, контракдиинди гьуллугъ аплурайи ихъ уьлкейин агъалйир иштирак шула, гьадму гьисабнаан ихъ ватанагълийи-рра. Ав, спецоперацияйин гьаракатарий ихъ эскрари заан хьуркьувалар улупура, ватан бадали дурари чпин жанар гъайиф аплурадар. Прессайиан ухъуз мялум шулайганси, думу спецоперация к1ули гъабхуз хьюгъханмина, душван иштиракчйирин арайиан хайлиндар «Урусатдин Игит» ччвурназ, жара наградириз лийикьлу гъахъну. Контракдиинди душваь гьуллугъ аплурайидарин



арайиан бязидари душваь чпин жанар дивну. Гьадра-рикан гьисаб шулу ихъ райондин Ц1руутгил гьулан агъали Амир Исабегович Наврузовра.

А. И. Наврузовди 2014-2018-пи йисари РФ-йин Яракьлу Къуватарий кон-

трактдиинди гьуллугъ аплури гъахъну, хъасин удуч1вну. Хъа Украинайиь спецоперация ккебгъиган, душваз чан хушниинди гьушну. Хушниинди душну ц1иб вахтг1ан гъабхундаршра, дугъу спецоперацияйин гьаракатарий ахъю

к1убанвалар улупну. Амма нубатган йивбарий гъахъи зийнариан думу кечмиш гъахъну.

17-пи августди «Табасаран район» МР-ин Глава Мягъамед Къурбановди дугъан гага Исабеган хилиз спецоперацияйиь Амири улупу гьунарариз лигьну, думу йик1бан кьяляхъ лишанлу гъап1у Кьягъялвалин орден тувну. Орден туври, дугъу гьамци гъапнийи: «Яв бали, Амири, игитриз хас вуйи ляхин гъап1у. Гъайифки, гъи му орден пашман шараитди тувра-хъа. Амир гьаммишан ихъ юк1варий гъузиди. Увуз яв хизандиз, багахълуйириз сабур туври».

**Хусуси мялумат.
Н. РЯГЪИМОВДИ
гъиву шикил.**

Мектебар ц1ийи урхбан йисаз гъязур хъиди

Мялум вуйганси, ихъ райондиь саб-швнуб мектебдиь бицли-бицли расвалин ляхнар к1ули гъагъюра. «Дагъустан Республикайин образованиейин цирклиь мектебарий дигиш валар т1ауб» региондин проектдин рамкйиригъди «Образование артмиш аплуб» к1уру Урусатдин Федерацияйин госпрограммайиз асас, ццийин йисан ихъ райондин 6 мектебдиь капитално вуди рас аплбан ляхнар к1ули гъахура.

Авгъустдин 15-ди «Табасаран район» МР-ин Глава Мягъамед Къурбанов, райадминистрацияйин жавабдар работникарихъди подрядный тешкилатарин вакиларихъди саг1иди рас аплурайи юкьуб мектебдиз гьушну. Сифте Т1ургъарин кьялан мектебдиь гъахъну. Думу мектебдин директорра хъади, мектебдин вари классар, айт1ан, ч1атан вари йишвариз гьилигьну. Мектеб рас дап1ну ккудубк1найи гьялнахъна дубхнашра, райондин главайиз душваь гьузнайи, жизби камивалар гьаркьну. Гьадму камивалар терг аплбан бадали, кьюд йигъ-



сана вахт тувну. Имшнигъарин, Ягъдигъарин сабпи ва кьюбпи нумрийин кьялан мектебарийра капиталный расвалин ляхнар бегъемди ккудук1найиб гьисаб гъап1нийи. Капитальный ремонт к1ули гъабхурайи мектебарий гьамцдар ляхнар гъап1ну: дараматарин машар ц1ийи алаьну, пол,

зииккишв дигиш гъап1ну, цалар кат1ну, электрик авар тазади гъизигьну, паринди мани аплру система ц1ийи алап1ну ва хайлин жара ляхнар тамам гъап1ну. «Ц1ийи урхбан йисан эвели образованиейин вари тешкилатар, урхурайидар аку ва марци классарий кьабул аплбан бадали, гъа-

зурди духъну ккунду. Урхбан йисан эвелиз райондин вари мектебарий ахтармиш аплбан ляхин кми-кмиди давам аплидича. Саб жюрейин камивлар гьитну ккундар», - кьайд гъап1ну Мягъамед Къурбановди.

**Фарзилат РАЖАБОВА.
Н. РЯГЪИМОВДИ
гъиву шикил.**

Арф - сабпи йишв`ин

Пишкери кьайд аплу-райганси, эгер чливишна-рин дюн`яйин вакиларикан инсандиз варитлан хайир-луб фунуб вуш, конкурс клули гьубхиш, якьинди сабпи йишв арфи бисуру. Арфи гьисил аплу йичв, фунуб жара витаминлан, минералин комплексар-лан хайирлуб вуйиб гьисаб аплура. Хьа арфарин аьдати сахаь ухьуз гизаф-дариз чпикан хабар дару лап хайирлу шейэрра шулу.

Дупну ккундуки, арфарин мулах фу – вуш, варидиз аьгьа. Думу ишлетмиш аплури, хайлин уззар сагь аплуз кюмек шулу, клуру пишкери. Ав, думу гьаци хьузра ву. Дурари клули гьуху ахтармишариан мялум шулайганси, арфарин мулахдик 300 – дихьна химический шейэр, саб – швнуб пайнакан ибарат вуйи эфирар, минералин ва хуш ний хьайи шейэр, азадди вуйи чагьи кислотийир, каротиноидар ва витаминар ка. Мулах зийнар, гьургу йишвар, язва, хамран уццурушнар сагь аплуз ишлетмиш аплуру. Эгер мулах, хайлин дучлвубкьну, бедендин айтлна хьтлюбгьиш, диди бедендиан шлакар ва токсинийр адауз кюмек аплуру. Думутланна савайи, йиччу ацлнайи сахар элеркру мулахдин гьапгьарра хайир-лудар вуйиб гьисаб аплура. Дурарик хайлин кьадар лазим вуйи витаминар, минералар ка.

Мялум вуйиганси, хайлиндариз арфари гьисил аплубдикан анжах йичвгьлан хайирлу вуйиб аьгьдар. Думу дици дар. Йичвгьлан савайи, арфари гьисил аплу пергара ва арфарин обножжара хайирлу вуди гьисаб аплура. Дурарик кьобреддикра ухьуз мялум вуйи ми – мидарди вари жюрейин витаминар, минералар ва аминокислотийир ка. Арфари, перга йичвухьди ва жини шуршлин железайи арайиз гьюру шейэр, тартиб аплури, сахарь аплура. Саб – швнуб вазлилан сахарь думу хьубкьру ва дидкан мянфяьтлу продукт шулу. Пергайин фаркьвал гьадидь вуки, перга ишлетмиш

гьаплу клури, аллергия шулдар, думу йичвухьна цлибди аллергия айидариз-ра тувуз хай шулу. Гьацира, перга беденди ужуи гьял шлу продукт ву. Думутланна савайи, ери жигьатнаан ужуб кьайдайиьди перга кьаназ уьбхюз шулу. Забрусди (арфари сахар элеркру мулахдин гьарчар) фун, ифи ужуи либухуз, гьиплуб гьял аплуз кюмек аплуру.

Хайлиндарикан ебхьури шулу гьийху арфарар дарманси ишлетмиш аплуз шулу. Гьийху арфарин жандкар арфарин сахарин кланакна уч шулу. Дурариз арфарин подомар клуру. Тажрубалу арфахьнари подомар гатлабхьурдар, хьа, думу уч даплну, базарий масу тувру, ясана дидкан чпи дарман гьязур аплуру. Варитлан багьалу подомар кьурд улубкьайиз, яни чвну, уч гьаплуб вуди гьисаб шула. Хьа хьадукра уч гьаплу подомар анжах члатан зийнаригьлан ишлетмиш аплуз хай шулдар.

Арфарин тьодморь хайлин кьадар хайирлу шейэр, йицлбаринди микроэлементар, Р, К, Е, Д, С витаминар, аминокислотийир, меланинийр, арфарин агьу, табиьтдин гепарин антидот, глюкозамин ва жарадар ка. Хьа арфлин беденди айи хурагнан шейэр инсандин беден токсинарихьан марщ аплуз уждар вуди гьисаб аплура.

Гьеле кюгьне Грецияий арфарин подомар карбункулар, сппарин ва сппарихь хьайи йиккарин, уларин уззар сагь аплуз ва кушар ижми хьуз ишлетмиш аплури гьахьну. Хьа англичанарин кюгьне медицинаийн китабари подомар ацлу рудриь спазмийр айиган, ифи кади фун`ин гьягьруган, ревматизм вуйиган, чирк айи зийнар ва кечел кайиган, гьацира жвуран гаргрив айи гьванар ерцлуз ва хайлин жара уззариз ишлетмиш аплуз теклиф дивра.

Гьамусдин апитерапийи гьеерцу арфарин уьцурайи шид улубзну гьязур гьабхьи шире, спиртдин эстрактар хайлин жара уззаргьлан савайи, шекрин диабет ва гипертония сагь аплузра ишлетмиш аплуру.

Эгер подмориин набататарин уьцурайи ччим улубзну дивиш, думу ишлетмиш аплури, уццуру гьаплу йишвар, дюгьбер, ифдин дамарар сагь аплуз шулу. Хьа арфарин уьцурайи шид улубзну гьязур гьабхьи ижми ширейин компрессар мастит, мастопатия ва табар яркьу гьахьиган сагь аплуз ишлетмиш аплуру.

Кьайд даплну ккундуки, гьятта гьациб паразит вуйи сурра (моль) кмиди, кьиматлу дарман хьуз мумкин ву. Думу аьдатнан дару мулхин сур, гьадму гьисабнаан арфарин огневкара ву. Дидин чиркквари мулах, гьацира пергайин пыльцайин, кокондин ва йиччун хьийбгьуб иплуру. Дурарик мянфяьтлу микроэлементар ка.

Дициб сурнакан гьязур гьаплу дармни туберкулез ва гьурдларин уззар сагь аплуз кюмек аплуру. Мулхин сурнакан гьязур гьаплу экстрактди юкльнан уззариз, тромбоблебит, ифдин дамарар яркьу гьахьиган, ужуб кюмек аплуру. Бедендин хайлин жара уззар сагь аплузра диди ахьу кюмек аплуру. Мулхин сурнакан хулан шараитарий гьамци экстрат гьязур аплуз шулу: 100 грамм спиртдикк 20 грамм мулхин сурнакан чиркквар кьахьру ва кьуб гьяфтайиш дивну гьибтру, гьязур гьабхьи шире, чирккварра ккимиди, ишлетмиш аплуру. Думу чиркквар гьацира хурагнакра ишлетмиш аплуз шулу. Спиртдин экстрат гьаригьан кьуб – шубуб ражари 15 – 20 пилтл уьл иплайиз улихьна айтлна ишлетмиш аплуру. Гьаригьан ахьудар ишлетмиш аплури пилтларин кьадар саб астанак штукна 30 – 50 пилтлнахьна артухь аплуру. Хьа бицлидариз уьмрин гьарсад йисан саб пилтл гьисабнаьди тувру. Дициб сагь аплувал шубуб вазли давам даплну ккунду, эгер лазим вуш, саб вазли перерыв даплну, хьана давам аплуз шулу.

«Пенсионер» газетдиан таржума гьаплу Угьлангерек АБДУЛКЕРИМОВА).

Цифрарин члалниинди

Гьарисан 14-пи августидь Урусатидь Йиччун Спас машквар кьайд аплуру. Гьадму йигьланмина ихь ахьу наслар йиччв уч аплуз хьюгьри гьахьну, пишкери гьисабариинди, гьамусра гьаци ву. Ихь уьлкейиш хайлин арфлихьнар а, ва дурари гьарисан чпи гьисил гьаплу агьзрариинди тонн йиччв агьгалйириз масу тувру ва жара уьлкьириз экспортдизра хьтаплуру. Мисалназ, ккудубшу йисан ихь уьлкейиш айи 3 миллион арфлин хизандилан 70 агьзур тонн (арфлин гьарсаб хизандиинна 23 килограмм йиччв уч аплувал, Урусатдин гьарсар касдинна 500 грамм йиччв алабхьувал гьисаб гьабхьну) йиччв уч гьаплу, гьадму гьисабнаан 6608 долларин 3774 тонн (саб тонн 1751 доллариз) жара уьлкьириз масу тувру. Ихь республикаийн арфлихьнари гьар йисан варжариинди тонн

йиччв уч аплуру. Мисалназ, ккудубшу ихь райондин арфлихьнари 36 тонн йиччв уч гьаплу ва масу тувру.

Ихь уьлкейиш ВЦИОМ-ди ккудубшу йисан клули гьуху гьерхбарин (гьерхбарий 1600 кас иштирак гьахьну) улупбарин мялум шулайганси, 82 процент россиянлуйири йиччв ишлетмиш аплуру, гьадму гьисабнаан 16 процентди иплуру, 18 процент агьгалйири гьяфтайиш саб-швнуб ражари, 20 процентди вазли саб-швнуб ражари, 28 процентди йискубаь саб-швнуб ражари йиччв иплуру, 17 процент агьгалйири йиччв гьичра иплурдар. Майдин, гречкайин, гьурдин ва жара кюкйирилан уч гьаплу йиччв варитлан ужуб ва адлу вуди гьисаб аплура.

СМИ-йнан.

Ватандиз ва халкьдиз вафалударикан сар

Ахиримжи вахтари инсанарин арайиш гьягьюрайи сюгьбатар, СМИ-ийн дакьатарий диклурайи, социалин сетарий айи хабар ахирихьси Украинаий клули гьягьюрайи махсус метлеб айи дьвдин операцияйикан, душваь яшамиш шулайи ислягь халкьдиз алахьурайи читинваларикан ву. Украинаийн халкь нацистарихьан азад аплбаь, Ватандин улихь чпин гьуллугьнан буржийр тамам аплури, жандилан хил алдабгьну, Урусатдин эскрари ахьу игитвал улупура. Дурарихьди сабси, ихь миллетдин вакиларира заан кьягьялвал улупура. Улихьна йигьари «Табасарандин сес» газатдин редакцияйиз Украинаий гьягьюрайи махсус метлеб айи дьвдин операцияйин иштиракчи Алим Насуров (шиклиь) ихь райондин военный комиссариатдин хаишниинди хьлижв гьахьнийи.

Алим Малларажабович Насуров ихь райондин Цухдигь гьулаь гьуллугьчийин ахьу хизандиь бабкан гьахьну. Багьри гьулаь кьялан мектеб ккудубклу Алим Насуров чан ватандаш`валин буржи тамам аплуз армияйиз гьушну. РФ-ийн Яракьлу Кьувватарин жергийриь ракетный кьушмарий гьуллугь аплури гьахьи жигьилиз чан уьмур думу пишейихьди аьлакьалу аплуз ккун гьабхьну. Гьаци, мугьу, чан ватандаш`валин буржи тамам даплну ккудубклу вахтна, яни 2006 – пи йисан, контрактдинди гьуллугь аплуз йикьрар гьийитлну. Йицимиржид йисна йирхьуб вазли яракьлу кьувватарий гьуллугь аплури, мугьу хайлин читин рякьар ккадаьну. Хьа Украинаий махсус метлеб айи дьвдин операция ккебгьхьанмина Алим Малларажабович душваь операцияйиш иштирак шула. Думу операцияйиш мугьу командирарин, начальникарин приказар тамам, чан улихь диву месэлийр гьял аплура. Сифте вахтари Алим Насуров разведкаий гьуллугь аплури, корректировщикар айи йишвар ашкар аплури, Запарожский областдин терефнаь айи шагьар, гьулар нацистарихьан марщ аплбан женгарий иштирак гьахьну. Апрельин 25-дихьанмина Донецк областдиь спецоперацияйиш иштирак шули, мугьу областдин хайлин гьулар нацистарихьан азад аплбак пай кивну. Ахиримжи ражари душваь Сладкое клуру гьул нацистарихьан азад аплбан женгнаь иштирак гьахьну. Душваь саб-швнуб ражари гьюжмиш удучлвну. Далу терефнаь душмандин ругарин диверсионный, разведкаийн спецзаданий тамам аплбаь иштирак гьахьну. Командованиейихьна душмандин техника ва чливи кьувват уч дубхьнайи йишван координатар рукьури гьахьну. Гьаддин кьяляхь йивбаринди ихь кьувватари ВСУ-ийн саб кьадар техника ва чливи кьувват терг гьаплу. Донецк областдин гьулар нацистарихьан азад

(Ахир 3-пи машинаь.)

Распоряжение № 07-р от 15 августа 2022 г. «О проведении открытого аукциона на право заключения договоров аренды земельных участков»

В соответствии со статьями 39.11, 39.12 Земельного кодекса Российской Федерации, статьей 448 Гражданского кодекса РФ, руководствуясь Уставом МО СП «сельсовет Марагинский», Федеральным законом от 06.10.2003г №131-ФЗ «Об общих принципах организации местного самоуправления в Российской Федерации», распоряжаюсь:

1.Провести аукцион, открытого по составу участников и подаче предложений о цене на право заключения договора аренды следующего земельного участка:

Земельный участок из категории земель сельскохозяйственного назначения, вид разрешенного использования – сельскохозяйственное использование, местоположение – Республика Дагестан, Табасаранский район, с. Марага с кадастровым номером 05:17:000092:391, площадью 287399 кв.м.

2.Утвердить аукционную документацию для проведения торгов посредством аукциона, открытого по составу участников о подаче предложений о цене на право заключения договора аренды (Приложение №1).

3.Начальную цену предмета аукциона на право заключения договора аренды земельного участка в размере ежегодной арендной платы, определенной по результатам рыночной оценки в соответствии с Федеральным законом от 29.07.1998 № 135-ФЗ «Об оценочной деятельности в Российской Федерации»;

По результатам отчета: №22/08-178 от 08.08.2022г, об оценке рыночной стоимости размера ежегодной арендной платы за земельный участок, с кадастровым номером 05:17:000092:391составило 32634 (Тридцать две тысячи шестьсот тридцать четыре) р. 00 копеек.

Срок аренды земельного участка составляет 49 (сорок девять) лет.

4.Опубликовать и разместить информационное сообщение о проведении аукциона на сайте администрации МОСП «сельсовет Марагинский», на официальном сайте РФ для проведения торгов www.torgi.gov.ru, а также в газете МБУ «Редакция газеты» «Табасарандин сес» («Голос Табасарана»)

5.Контроль за исполнением настоящего распоряжения оставляю за собой

И.о. главы МО СП «сельсовет Марагинский» Кулиев А.Ш.

Ватандиз ва халкъдиз вафалударикан сар

(Эвел 2-пи машина.) аплурайи вахтна, заълан душмандин снарядар ахри ашра, Алим Насуровди думу гьуларин ислягь халкъ хатласуз йишвахьна гьахури гьахьну, зийнар гьахьни ихь эскрариз дура хатласуз йишвахьна сабпи кюмек туври, гьахуз кюмек гьаплну.

18-пи майди нубатнан спецзадание тамам аплурайи вахтна Алим душмандин йивбарикк ккахьну. Учв хьайи йишвахьан ярхла дарди гьутлуклубдин парйир куркьну, зийнар ва контузия гьабхьну. Гьагьи зийнари Алим Насуров лап читин гьалнахьна гьахну. Хайлин вахтна му Донецкийиь, Ростов шагьриь, дидин къяляхь Моздокдиь больницийириь гьахьну. Му дагьлу жигьилиз душмандихьна вуйи даккнивали, ватанпервервалин гьевесну узьринира гьалиб хьуз кюмек тувну. Алим Насуровдихьди гафар-члалар аплруган, суал тувнийза: «Дидар гьагьи



зийнар духьну, духтрари уву комиссовать дараплди фици гьитну, яв багьридарин фикрар фицдар ву?».

Мугьу гьамциб жаваб туву: «Духтрарин гьацдар гафар кейиь гьамциб гьял айиган, узу клул ккадабгьну, хулаь деиш, сифте уву уз байси ваь, Ватан масу тувурси рякьидивуз. Хьа хпиризра клурза: уву эскрин хпир

гьахьнийи, хьа узу думу узьрин гьалиб хьуз кьвалантлан кьаст гьаплнийиьза. Йиз кьаст клул и зра адабгьунза. Гьелбетда, дадайира, хпирира клуру: «Сабшнуб ражари гьамциб гьялнахьна гьафунва (2014-пи йисан Крым гьадабгьруган гьагьи зийнар гьахьнийуз), хайлин йисари гьуллугьра гьаплунва». Хьа узу дурагьиз гьапуна: «Гьи ихь улкьийи гьамциб гьял айиган, узу клул ккадабгьну, хулаь деиш, сифте уву уз байси ваь, Ватан масу тувурси рякьидивуз. Хьа хпиризра клурза: уву эскрин хпир вуйиб кьвалан магьапан, уву гьарсаб вахтна хизандин гьайгьу зигуз, хизан убхьюз гьязурди духьну ккунду. Узур, гьелбетда, узхьан шлубкьан душмандизра жаваб тувуз, узур уьрхьюз чалашмиш хьидиза. Гьи узустар варибдикан агьгьу даплнайи жигьилар ихь улкьийи чарасуз лазим ву. Йиз багьридариз, йиз Ватандиз азадвал, ислягьвал бадали, узур фулка гьайиф дарзуз. Ватандин Ахью дьави ккебгьиган, душмандихьди женгнаь гьахьни ихь ахьно насларикан хайлиндар, Ахью гьалибвалра гьазанмиш даплну, сагьсаламатди багьри гьулаз къяляхь гьафидар айи, хьа улубкьуз ккайиб, хулаь марцакк деьнашра, улубкьиди. Инсан, читинвалиь ахьиган, дидан удучлв уз рякьяр агур, къуватлу шулу. Му операцияийи гьалибвал гьазанмиш аплбак бицлиб вушра пай кивуз уз лап буржлу вуза. Магьа багарихьди йиз отпуск аьхирихьна гью-

ра, узу йиз буржир давам аплуз гьагьюз гьязур вуза».


Сержант Алим Насуров Гьюкуматдин терефнаан 2014-пи йисан Суворовдин медалихьди лишанлу даплна, гьацира мугьаз саб жерге жара лишнарра а. Хьа мугьаз хас вуйи вариантлан заан лишнар ватанпервервалин, ахью инсанвалин, адагьлу къягьялвалин ву. Ав, Алим Насуровдин гьунарар гизафсдар жигьилариз нумуна вуди улупуз шулу. Гьит Алим Насуровдиз чан кьвал айи кьастар клулиз адагьуз къуват туври, хьа Украинийи гьагьгьурайи махсус метлеб айи дьавдин операция мясляьтнинди аьхирихьна хуз вари улкьийириь клулиь айидарин кьвал рягим аьхьри. Гьарсаб хизанди чан веледар, аьйир, чьйир, багахьлуьйир анжах шадвалин шараитарийи къаршуламиш аплуьйигь улубкьуз къан дарибшри.

Фарзилат
РАЖАБОВА.

«Метлеб клулиз адабгьну ккунду, аьхир...»

Ухьуз мялум вуйиганси, аьхиримжи йисари дьави клуру гаф кми – кми инсанарин мелзналан кам шуладар, хьа дидин цийир кархьрайи улкьийрин къадарра аргухь шула. Дьавдин цла кабхьуз чалашмиш шлудариз дьави саб вахтнара уж вал дархруб яраб, аьгдайкьан?! Варидариз вари гьубкьну а, аьхир. Дьави саризра герек дарубдин гьавриь духьну ккунду. Магьа ухьу шагьидар вуйиганси, аьхиримжи йисари саб швнуб улкьийи дьавдин гьяракатар, гьярхьувалар арайиз гьюра. Дидин натижайиь улкьийрин арайиь ниразивалар шула. Хьа думу гьярхьувалари агьаллийриз вари терефарахьанди зарар хуру. Варитлан асасуб, живанар уьмрихь, сагьвалихь мягьрум аплура. Думу месэлайин гьавриь ахьуз даккни руководителар хайлин улкьийрин улихь хьайиб ачухьди рябкьюра.

Магьа гьацдар руководителарин вижмасузвали ихь улкьийин улихь – клулихь хьайидар Украинийи спецоперация клули гьабхьуз мажбур гьаплну. Ав, Украина, ихь гьунши улкье, ихь дуст дару улкьийрин «уччу» гафарихь хьебехьну, хьугьну, ихь улкьийи къаршу удучлвна. Ихь улкьийи душаь спецоперация клули гьабхури, секи гьацл йис гьагьгьюра. Думу вахтан арайиь ЛНР – ин ва ДНР – ин республикийрин ругар неонацистарихьан азад гьаплну ва думу ляхин давам аплура. Душаь неонацистар тланкь аплбаь клули гьабхурайи спецоперацияийи ихь улкьийин Яракьлу Кьуватарийи контрактдинди гьуллугь



аплурайи живанар иштирак шула. Ав, ихь улкьийин Миноборонаийн пресс-гьуллугьнан мялуматарин мялум шулайиганси, спецоперацияийи иштирак шулайидарин арайиан зийнар гьахьни хайлин эскрарра а, думуланна савайи, думу операцияийн натижайиь неонацистарин терефнаанси, ихь эскрарин арайианра хайлин гьийихдар а. Думу спецоперацияийи ихь улкьийин вари регионариан вуйи живанар иштирак шула, гьадму гьисабнаан ихь райондианра.

Улихьна йигьари думу спецоперацияийи иштирак шули гьахьни, зийнар сагь аплуз гьулаз дунфайи Цухдигь гьулан агьали Терлан Мягьямедович Мукайловдихьди (шиклиь) гьюрюшмиш гьахьунза.

Терлан Мукайлов ахью ва албагу хизандиь бабкан гьахьну. Мугьан ахью аба

ахьди гаф – члал аплруган, агьгьу шуи. Сабсана, спецоперацияийикан вуйи гафари мугьан кьвал азав туврубра думу шуийи, вушра мугьан думу спецоперацияийи ихь живанари улупурайи гьунарарикан пуб ккун гьаплнийиьза. Мугьу гьамци гьаплнийиь:

- Ич хизандиь учу шубур гьардаш ача. Вари гьардашари контрактдинди армияийин жергьийриь гьуллугь аплурача. Бицлиди имидитлан армияийи гьуллугь аплувалихь юкьлв хьайиз. Мектеб ккудубкьлур йиз ватандашвалин гьуллугь тамам аплуз армияийин жергьийриь гьушунза. Душван къяляхь гьафир, 2017 – пи йисланмина Карачаево – Черкессийийи ерлешмиш дубхьнайи частнаь контрактдинди гьуллугь аплураза.

Гьаму йисан 24 – пи феврал иь улкьийи Украинийи спецоперация ккебгьру клури гьебхьубси, учу

дина гьагьюз гьязурлугар гьахуз хьогьнийча, 26 – пи феврал учу думу спецоперацияийи иштирак хьуз душваз гьушнийча. Ич дивизийин дахилнаьди душаь клули гьагьру хайлин женгарийи иштирак гьахьунза. Мисалназ, ич дивизийин эскрар Херсон, Николаев областар неонацистарихьан азад аплбаь иштирак гьахьну. Думу областарин хайлин гьулар ва шагьрар неонацистарихьан азад гьаплунча. Херсонский ва Николаевский областарин сьргьатар ва уьрхьюри гьахьунча. Ав, дьавдин женгарийи иштирак хьувал думукьан рягьят ляхин дар, хьа метлеб клулиз адабгьну ккунду, аьхир. Неонацистари гьамусьятна заьнайи клулар ултлурчвиш, дурари тувру зарар аьхьуб хьибди. Гьаддиз, дурарихьди вуйи женгарийи ихь живанари ахью гьунарар улупура.

Думу спецоперацияийи гьаригьан ихь эскрари гьунарар улупура, игитар арайиз удучлвара. Дурари зигурайи зегьмет заан наградаийиз лайикьлу ву. Ав, спецоперация ккебгьну имбу вахтари цлибди читинвалар алахьуйи, гьамус думу читинвалар вари арайиан адагьну, спецоперация клули гьабхуз вуйи шараитар яратмиш даплна.

Спецоперация клули гьабхурайи вахтна учуз думу йишварийи яшамийи шулайи агьаллийрихьдира гьюрюшмиш хьуб алахьуйи. Дурарикан хайлиндар учухьна, чпиз иплруб тувуб ккун аплури, гьуйи, иллагьки жигьилар. Учухь хьайибдикан дурариз туври шуьча. Спецоперация гьабхурайивалин жигьилар разиди вуйи. Дурари гьам-

ци клули: «Сад – швнуд йис вуйич му неонацистари ислягь уьмру хьаплуз, учуз ккуни члалнинди гафар аплуз, мектебдиь урхурайидариз лазим вуйи саягь тербия тувуз гьидритди». Хьа бязи яшлу дишагьлийриз ихь эскрар дьаркьнур ккундар, дура уьмру учухьинди лап члуруди лигуру, ясана дурари иплруб ккун аплурдар.

Нубатнан ражну Каховка шагьур неонацистарихьан азад аплурайиган гьахьни йивбарин натижайиь узуз ва хайлин жара эскрариз зийнар гьахьну, хьа йиз дуст-эскер, ихь райондин Рушвил гьулан вуйи Алим Фейтуллаев душаь гьахьни зийнариан кечмиш гьахьну. Зийнар сагь аплури, сифте Каховкаийн госпиталиь, хьасин Симферополдин госпиталиь, кьуб гьафтайилан Краснодарин госпиталиь дахьунза. Неонацистари гьиву ракетайин микьлу саб – швнуб метр ярхлаз гагьархьнийиу. Думуган арччул хил ва гагул хилин тлуб гьубгьнийииз, клулиь, мухриь, хилиь ликриь ва бедендин жара гьендемариь хайлин парйир арсун имийиз. Дура сабан адагьуз шулар клури, духтрари кучрадар. Эгер, парйир адагьну, узхьан ужуйи лицуз шули гьабхьиш, духтрарин ихтиярнинди, йиз гьуллугьназ къяляхь гьагьюз ккундузуз».

Спецоперацияийи иштирак шули зийнар гьахьнушра, зийнар сагь гьахьибси, ихь эскрариз душаьз къяляхь гьагьюз ва неонацистар тланкь аплуз ккунду. Гьит дурадин метлебар клулиз удучлври.

Угьлангерек
АБДУЛКЕРИМОВА,
отделин редактор.

Постановление № 195 от 02.08.2022 г.**О внесении изменений в Постановление****Главы муниципального района «Табасаранский район» Республики Дагестан от 22.12.2020 г. № 383
«О комиссии по предупреждению и ликвидации чрезвычайных ситуаций и обеспечению пожарной безопасности в муниципальном районе «Табасаранский район» Республики Дагестан»**

В связи с выбытием некоторых членов комиссии по предупреждению и ликвидации чрезвычайных ситуаций и обеспечению пожарной безопасности в муниципальном районе «Табасаранский район» Республики Дагестан» постановляет:

1. Утвердить новый состав комиссии по предупреждению и ликвидации чрезвычайных ситуаций и обеспечению пожарной безопасности (прилагается на 1 л. в 1 экз.)
2. Признать утратившим силу постановление Главы

муниципального района «Табасаранский район» Республики Дагестан от 22.12.2020 г. № 383 «О комиссии по предупреждению и ликвидации чрезвычайных ситуаций и обеспечению пожарной безопасности в муниципальном районе «Та-

басаранский район» Республики Дагестан».

3. Постановление вступает в силу со дня подписания и подлежит официальному опубликованию в районной газете «Голос Табасарана» и размещению на официальном сайте администрации

муниципального района «Табасаранский район» в сети Интернет.

**Глава
муниципального района
«Табасаранский район»
Республики Дагестан
М.С. КУРБАНОВ.**

УТВЕРЖДЕН

**Постановлением Главы муниципального района «Табасаранский район»
Республики Дагестан от 02.08.2022 г. № 195**

СОСТАВ**комиссии администрации муниципального района «Табасаранский район»
по предупреждению и ликвидации чрезвычайных ситуаций и
обеспечению пожарной безопасности**

№ п/п	ФИО	Занимаемая должность	Номер телефона
1.	Курбанов Магомед Сиражудинович	Глава МР «Табасаранский район» (председатель комиссии)	8-928-673-16-14
2.	Мирзабалаев Ринат Мизамирович	Заместитель главы администрации по общественной безопасности (заместитель председателя комиссии)	8-928-565-65-63
3.	Сефербеков Сефербек Хидирович	Начальник отдела ГО, ЧС и МР администрации муниципального района «Табасаранский район» (заместитель председателя комиссии)	8(87249)22-0-06 8-928-553-25-10
4.	Ибрагимов М.И.	Начальник 9 пожарно-спасательной части пожарно-спасательного отряда ФПС ГПС ГУ МЧС России по Республике Дагестан (заместитель председателя комиссии)	8(87249)22-1-19 8-961-501-01-07
5.	Меджидов Акифин Мугутдинович	Начальник отдела архитектуры, градостроительства и жилищно-коммунального хозяйства администрации муниципального района «Табасаранский район»	8-906-446-56-12
6.	Амиралиев Магомедага Алисович	Начальник отдела экономики и информационных технологий администрации муниципального района «Табасаранский район»	8-906-447-31-99
7.	Мирзабеков Абсеретдин Исмаилович	Главный врач ГБУ РД «Табасаранская ЦРБ» муниципального района «Табасаранский район»	8(87249) 33-5-03 8-963-402-57-88
8.	Ягибеков Насир Нажмутдинович	Начальник ОМВД России по Табасаранскому району (по согласованию)	8-988-292-19-71
9.	Абдуллаев Эседулла Велиюллаевич	Директор АО «Табасаранское дорожно-эксплуатационное предприятие № 33»	8(87249)22-4-41 8-903-482-09-07
10.	Мятов Нурмагомед Гаджимурадович	Начальник ТО Управления Роспотребнадзора по РД в Кайтагском районе	8(87249)22-082 8-964-012-31-40
11.	Тагиров Багаутдин Тажутдинович	Начальник Табасаранских районных электрических сетей ОАО «Дагэнергосеть»	8(87249)22-0-34 8-928-550-25-48
12.	Юлов Гаджимагомед Сейфуллаевич	Начальник ЭГС Табасаранского района (по согласованию)	8-960-419-14-15
13.	Гаджимутелимов Гаджиага Алимирзаевич	Директор ГКУ «Табасаранское лесничество»	8-903-481-16-63
14.	Аваев Ахмед Нурович	Врио директора МБУ «Отдел сельского хозяйства»	8-903-499-22-89
15.	Алипашаев Акиф Муслимович	Начальник 23 пожарно-спасательной части ПСО ФПС ГПС МЧС России по РД	8(87249)22-1-19 8-961-501-01-07

Управление Министерства юстиции Российской Федерации по Республике Дагестан (далее Управление) сообщает, что в соответствии с приказом Министерства юстиции Российской Федерации от 30.09.2021 г. № 185 «Об установлении сроков представления некоммерческими организациями отчетности» некоммерческие организации обязаны предоставлять в адрес Управления документы, содержащие отчет о своей деятельности, сведения о персональном составе ее руководящих органов, а также документы, содержащие сведения о целях расходования денежных средств и использования иного имущества, в том числе полученных от иностранных государств, их государственных органов, международных и иностранных организаций, иностранных граждан, лиц без гражданства либо уполномоченных ими лиц и (или) от российских юридических лиц, получающих денежные средства и иное имущество от указанных источников, не позднее 15 апреля года, сле-

дующего за отчетным.

При составлении отчетности в отношении некоммерческих организаций необходимо учитывать Федеральный закон от 12.01.1996 № 7-ФЗ «О некоммерческих организациях» (далее - ФЗ «О некоммерческих организациях»), приказ Минюста России от 30.09.2021 № 185 «Об утверждении форм отчетности некоммерческих организаций».

В соответствии с пунктом 3 статьи 321-ФЗ «О некоммерческих организациях» некоммерческие организации, за исключением указанных в пункте 3.1. статьи 32-ФЗ «О некоммерческих организациях», обязаны представлять в уполномоченный орган документы, содержащие отчет о своей деятельности, о персональном составе руководящих органов, документов о целях расходования денежных средств и использования иного имущества, в том числе полученных от иностранных источников, а некоммерческие организации,

Объявление

выполняющие функции иностранного агента, также аудиторское заключение. При этом в документах, представляемых некоммерческими организациями, выполняющими функции иностранного агента, должны содержаться сведения о целях расходования денежных средств и использования иного имущества, полученных от иностранных источников, и об их фактическом расходовании и использовании.

Некоммерческие организации, выполняющие функции иностранного агента, представляют в уполномоченный орган документы, содержащие отчет о своей деятельности, о персональном составе руководящих органов и работников, один раз в полгода, документы о целях расходования денежных средств и использования иного имущества, в том числе полученных от иностранных источников, - ежеквартально, аудиторское заключение ежегодно.

В соответствии с пунктом 3.1. статьи 32-ФЗ «О некоммерческих организациях» некоммерческие организации, выполняющие функции иностранного агента, представляют в уполномоченный орган документы, содержащие отчет о своей деятельности, о персональном составе руководящих органов и работников, один раз в полгода, документы о целях расходования денежных средств и использования иного имущества, в том числе полученных от иностранных источников, - ежеквартально, аудиторское заключение - ежегодно.

Согласно пункту 3.2 статьи 32-ФЗ «О некоммерческих организациях» некоммерческие организации, за исключением указанных в пункте 3.1. настоящей статьи, обязаны ежегодно, а некоммерческие организации, выполняющие функции иностранного агента - один раз в полгода размещать в информационно-телекоммуникационной сети «Интернет» или предостав-

лять средства массовой информации для опубликования отчета о своей деятельности в объеме сведений, представляемых в Управление.

Обращаем Ваше внимание, что согласно пункту 10 статьи 32-ФЗ «О некоммерческих организациях» неоднократное непредставление некоммерческой организацией в установленный срок сведений, предусмотренных настоящей статьей, является основанием для обращения Управления в суд с заявлением о ликвидации данной некоммерческой организации.

При составлении отчетности в отношении общественных объединений необходимо учитывать Федеральный закон от 19.05.1995 г. № 82 «Об общественных объединениях» (далее - ФЗ «Об общественных объединениях»), приказ Минюста России от 30.09.2021 г. № 185 «Об утверждении форм отчетности некоммерческих организаций».

В соответствии с абзацем 4 части 1 статьи «Об обще-
(Продолжение на стр. 8)

Амир КБАСУМОВ, Жулжагъ гьул.

Игит женгнаъ шулу мялум

(Урусатдин Игит Р. Уь. Мурадовдиз бахш вуди).

(Эвел 10-пи нумрайиъ).

VI
Дагълу халкъдин,
Саб хизандин,
Аьсрар`инди
Тарих ахьуз.
Авар, дарги,
Къумугъ, лезги,
Табасаран...-
Уьзден халкъар
Женгнаъ гьахьну
Душмнархьди.
Шагьидар ву
Азад гьарзар...

Хабарсузди
Алжагъиган
Фашист къушмар
Ватандин,
Дявдиъ лигим
Гьахьну халкъар,
Дагълуйирин
Игит баяр.
Нагьижайиъ
Ахьуз хьцIурна
Йирхьур Игит
СССР-ин.

Фашистарин
Рюгъ адабгьуну,
Пайдагъ дубсур
Рейхстагдин
Ву къумугъжви
Абдулгьаьким
Исмаилов –
Халис Игит.

Европара
Азад дапIну,
Ислягъвалин
ЦIюмгъял кабхьну,
Къюб ражари
Гьахьну Игит
Дирбаш летчик
Амет-Хан ихь.
Ву лакарин
Цовкра гьул`ан
Завуъ гьирмиш
ГьапIур душмнар.

Хъа Амет-Хан
Султандин ихь
Барабар вуйир
Гьахьундар.

Аварарин
Меgeb гьул`ан
Лайикъ гьахьну
Игит ччвурназ
Гьюликк ккайи
Ихь гимийин
Командирди
Вуй Гьаьжиев.
Баренц гьул`ин
Гьизгьин дявдиъ
Душмнин гимийр
Уржну гьюлиъ.

Фида дапIну
Чан жигил жан,
Даимади
Гьузна кIваин.
Мягьамеддин
Вафалувал
Гьубзна наслиз
Нумунади.

Табасаран
Абдуллагъ ву
Хив райондин
Чювекк гьул`ан.
Авчи вуйи
Ахью дявдиъ,
ТIанкI аплури
Пис фашистар.
Табасаран
Халкъдин Игит
Даимади
Гьузди ихь кIваъ...

Дагъустандин
Вари халкъар

Ву айидар
Чпин игитар.
Игит мялум
Шулу женгнаъ,
Пак хьадарси
Йишвну завуъ.

УрчIвубпи май –
Гьалибвал ихь,
Нивгъар алиб
Уларин.

Вахтар гьаьгьюр,
Зийнар сагъ шул,
Дяви кIваълан
Гьичра дьаргьюр.
Хъана завар
Гьарахнийи –
Гьафи кIваин
Алдру хабар:
Баяр гьауз
Афгъан дявдиз
Приказ гьабхьи
Гьюкуматдин.

Наан ашра,
Дагълу люкьяр
Уьргьрудар ву
Душмнин кIарчар.
Дагълу намус,
Гьир`ят гьюрхну,
Фида дапIну
Жигил жанар.
Дурар кIваълан
Душну адар,
Гьира яснаъ
Аки бабар!

Дердназ дарман
Жил`ин алдар,
Уьмрин къисмат
Вардин саб дар.
Дюаъ дубхну,
Бахш аплурхъа
СССР-ин
Игитариз.
Ислягъ халкъдиз
Дяви ккундар:
Бай йикIуру,
Баб ургуру,
Аку дюнья
Шулу мучIу,
Рюгънан зийнар
Ву уьмурлуг.

Къадпи аьсрин
Аьхиримжи
Йисар гьахьну
Лап инсафсуз.
ВартIан гужал
Уьлке вуйи
Ихь СССР
Дабгьурайи.
Гьюкум, къанун
Дургри айи,
ТIарашнаъ а
Мердимазарар.
Дигиш`валин
Дуфна вахтар,
КIуруб саб ву,
Аплур – жараб.

Авара ву
Къавкъаз халкъар,
Убхьурайи
Йигьагси а.
ЦIирцIар ккивра
Сикин дарди,
ЦIа алапIуз
Ният ади.
Аьгъдар душмниз
Аьхирин чан
Кабаб ву шлуб
ЦIигъ гурдарин.

Вахт вуй читин
Дагълуйириз,
Аьсрар`инди,
Вушра лигим.
Дарсар кивуз

Дуфна «хялар»
Ярхла вуйи
Юрдариан.
КIури, вуйич
Гьюкум цIийиб,
Терг аплура
Душваъ айиб.

Гагъ мушвахъ ппакъ,
Тушвахъ тIуркIбар,
Хъана яснаъ
УчIвна бабар...
Ва кюмекназ
Гьафи магъа
Урусатдин
КIубан эскрар.

Вертолетар,
Танкар дуфна –
Гьарсабдин а
Чан вазифа.
Мурадовди
Чан эскрариз
Насигьятнан
КIура гафар:

«Разведчикар!
Имтигъан ву
Ухьуз читин
Ва гирами:
Азад аплуб
Багъри юрдар
Баб-Ватандин,
Намус уьбхюб;
Гележегдиъ
Азадвал хьуз
Деллу душман
Аплурхъа тIанкъ.
Рацияйиз
Дикъат тувай,
Му ву бере
Жилирвалин».

Асланарси
Архью эскрар,
Чархьури а
Гьанних душмнар...
Веден район
Дубхъна гьюрдар,
Амма душман
Зат сикин дар.
Мугъаятди
Айи снайпер,
Хюрч аплури
Командирхь.

Хабасузди
Къисмат гьабхьи
Дугъан гюлле
Мурадовдиз.
Сар Аллагъди
Гьивнийи хил –
Бронжилет
Кюмек гьабхьи.

Улихъ гьушний
Хайлин манзил
Разведчикар,
Дарди гьафил.
Хьютси, ипу
Снайпер душмнин,
Азад гьапIу
Думу тепе.

Думу женгнаъ
Разведчикар
ГьакIундайи
Гьич сар касра.
Табасаран
Балин гьунар,
Вафалувал
Баб-Ватандиз
Мялум гьахьну
Варидариз.
Рази гьабхьну
Дугъкан ихь халкъ.

КкудукIури
Адар женгар.
Вягъши духъна
Пис инсанар.

Сяргьят адруб
Дубхъна тьмягъ,
Завар, жилар
Ккунда сариз.
Абгура саб
Дарш саб багъна,
Аплуз ккунди
Дюнья фана.

Дявикрари,
Дарди сикин,
Ислягъвалин
Гьипра гимии.
Ватан, вушра
Улин ишигъ,
Уьбхюз шулдар,
Алдарди нивгъ.

Душмандин къаб
Дар зат убтIруб –
Германия,
Британия,
Япония,
Хъана, хъана...
Накьдин дустар,
Хъа гьи – душмнар.

Асландиз гучI
КкапIуз ккунди,
Лига, фукъан
Духънаш чакълар.
Ярхлаан ву
Ахью цIузар –
Чакъларин рюгъ
Шулу шьвакънаъ.
Океандин
Тинди гьвалахъ
Чакъал дубсна,
Аплури бас.

Деллу дапIну
Украина,
ХьиркIра яракъ
Ва пул дина.
Дявикрарин
Рюгъ адабгьуз
Ихь къушмариз
Приказ гьабхьну...

Жигил лакбай,
Дамагъ халкъдин,
Нурмягъмед
Энгельсович
Думу дявдиъ
Сарпир вуди
Гьахьну Игит
Урусатдин.

Гьайиф дарди
Чан жигил жан,
Дустар гьюрхну
Вафалуди.
Душмини къялаъ
ТIаьну думу,
Йисирвализ
Ккунди дисуз.
Багахъ хьиган
Пис нацистар,
ГьутIубкIну
Дугъу граната.
Нумуна ву
Му офицер,
Гьубзди дугъан
Рюгъ ухьухъди!

Жулжагъ Амир
Дарда гьалатI,
Насигьятнан
Вуда му хатI:
Ихь абйири
Ахью дявдиъ
ГьабкIнийи битI,
Баяр гьитну.
Гьамус духъна
Дурар аргъаж,
Агъу йивуз
Хьюгъна ухьуз.
БитIран кIулна
Рижв саб дарин???
Вардиз гьамус
Рябкъюри а.

Ихь шубуб рангнан пайдагъ



Урусатдин шубуб рангнан пайдагъ 29 йис улихъна цIийикIултIан милли пайдагъ вуди къабул гьапIну. 1991-пи йисан РСФСР-ин гьюкмин улихъ хьайидари уьлкейин милли пайдагъ вуди Урусатдин тарихи пайдагъ гьисаб аплуз къарар адабгьнийи. Думу шубуб рагнан ву: лизи, укIу ва уьру. Хъа 1994-пи йисан 22-пи август Урусатдин Государствойин пайдгьин Йигъси мялум гьапIну.

Урусатдин шубуб рангнан пайдгьин тарихдикан улхури, дупну ккундуки, дидин 310 йистIан зина ву. Думу яратмиш гьапIур вуди Петр I гьисаб аплура. Амма официално думу государствойин пайдагъ вуди 19-пи аьсрин аьхирин -1896-пи йисан къабул гьапIну. Хъа пайдгьин Йигъ асиллагъ жара гьядисйирхьди тьяин гьапIну, яни 1991-пи йисан 22-пи агъустди (авгъустдин путчдин вахтари) тарихи шубуб рангнан пайдагъ цIийиди къабул аплувалихьди. Думу вахтназ, мялум вуйиси, Совет Урусатдин пайдагъ, дагъур ва табушв кади, уьру рагнан вуйи.

РФ-ийн пайдгьин Йигъан, аьдат вуди, вари йишварин шадвалин, ватанпервервалин, спортдин ва жара серенжемар гьахури шулу. Дурарин метлеб Урусатдин лишнарин эгьемият улупуб ву. Дупну ккундуки, вари серенжемар, аьдат вуди, гимн йивури ва Урусатдин пайдагъ за аплури ккергьру. Хъа шадвалин серенжемарин асас «тахсиркар» варишваринхь рябкъюз мумкин ву: машквраз дуфнайидарин хиларигъ, государствойин идарийрин гьваарин ва гь. ж. Думу йигъан, аьдат вуди, государствойин наградийира тувру.

Абдулмажид
РАШИДОВ.

Халкъдин мисалар

Гьайвнар жаргьруган, дажира «узу, узу» кIури, гьюбчIвур, кIур.


Фун кIултIан иси ву (дидиз ккуниб мапIан).

Вариди тIумтIар гьюдутIруган, темпли гьядрар ккурсеру.

Темплин кейдун адрабцIур, тIагьрурин-ул.

Гьарваш эйсийиз, гьайван игитриз ухшаруб шул.

Гашди айирхь къувват даршул, девлетлуйихь-рягьим.




При исполнении воинского долга в ходе специальной военной операции на Украине погиб наш земляк, военнослужащий – контрактник Ханмагомедов Вадим Нежмутдинович. В. Ханмагомедов родился 1 января 1995 года в с. Хили-Пенджик Табасаранского района. Призван на срочную службу 2013 году, службу проходил в Мурманской области. Погиб 04.08.2022 года в городе Донецк ДНР.

Женат, имеет одного ребенка.

Выражаем искренние соболезнования родным и близким Ханмагомедова Вадима Нежмутдиновича.

Глава МР «Табасаранский район»
Собрания депутатов МР «Табасаранский район».



При исполнении воинского долга в ходе специальной военной операции на Украине погиб наш земляк, военнослужащий – контрактник Сулейманов Казанфер Сулейманович. К. Сулейманов родился 15 мая 1987 года в с. Джулли Табасаранского района. Призван на срочную службу 2009 году. Службу проходил в Камчатском крае. Погиб 06.08.2022 года.

Женат, имеет двоих детей.

Выражаем искренние соболезнования родным и близким Сулейманова Казанфера Сулеймановича.

Глава МР «Табасаранский район»
Собрания депутатов МР «Табасаранский район».



При исполнении воинского долга в ходе специальной военной операции на Украине погиб наш земляк, военнослужащий – контрактник Мусаев Муса Мусаинович. Мусаев Муса Мусаинович родился 05 марта 1972 года в с. Дюбек Табасаранского района. Погиб 06.08.2022 года. Женат, имеет двоих детей.

Выражаем искренние соболезнования родным и близким Мусаева Мусы Мусаиновича.

Глава МР «Табасаранский район»
Собрания депутатов МР «Табасаранский район».

Хайрлу насигъатар

Грипп кайган ва дюдер уццруган

Шваршварин, гурдин гьарин ва ромашкайин гьерциу кюкйир, гьарубдикан сабсиб къадар уьл ип1ру саб муччвриь айиб саб астанан гьубхьу штукна гьисаб вуди кахьру, 15 дакьикайи гьибтру. Жунайихьан кутлубцину думу, убцири имиди, суткайин арайиь 2 – 3 астанан убхьуру. Диди мич1ал хьувалиан арайиз гьафи уьзрар сагь ап1уз ахью кюмек ап1уру.

Ругьул зимзарин мейвийр (малина), гурдин кюкйир сабсиб къадар вуди, уьл ип1ру саб муччвриь айиб, саб астанан гьубхьу штук ккахьну, 20 дакьикайиь гьибтру, хьа кт1убциуру. Убциру настой йишвну дахьруган убхьуру.

Нимкъварин клажар 3 пай, хамсарин клажар 3 пай, мат – и – мачеха – 1 пай, клару учварин клажар 1 пай, гунт1ашийр (чабрец) – 1 пай, люгьнер 1 пай. Гьадрар вари кидикьну, уьл ип1ру саб муччвриь айиб фарфорин, ясана шюшдин гьабраь, саб астанан штук гьисаб вуди, ккабхьну, 10 – 15 дакьикайиь гьибтру, хьасин чайран ерина ишлетмиш ап1уру.

(Календариян).

(Начало на 6 стр.)

«Объединениях» общественных организации представляет сведения о продолжении своей деятельности с указанием действительного места нахождения действующего руководящего органа, его названия и данных о руководителях общественного объединения в объеме сведений, включаемых в Единый государственный реестр юридических лиц.

В соответствии с абзацем 8 части 1 статьи Ф3 «Об общественных объединениях» общественные объединения обязаны информировать федеральный орган государственной регистрации об объеме денежных средств и иного имущества, полученных от иностранных источников, которые указаны в пункте 6 статьи 2 Ф3 «О некоммерческих организациях», о целях расходования этих денежных средств и использования иного имущества и об их фактическом расходовании и использовании по форме и в сроки, которые предусмотрены приказами Минюста России от 30.09.2021 № 185 «Об установлении сроков представления некоммерческими организациями отчетности» и приказом Минюста России от 30.09.2021 № 185 «Об утверждении форм отчетности некоммерческих организаций».

Непредставление общественным объединением в установленный срок сведений, предусмотренных в пункте 6 статьи 2 Федерального закона «О некоммерческих организациях», является ос-

Объявление

нованием для обращения органа, принявшего решение о государственной регистрации общественного объединения, в суд с заявлением о признании данного объединения прекратившим свою деятельность в качестве юридического лица и об исключении его из единого государственного реестра юридических лиц.

Следует отметить, что вне зависимости от организационно-правовой формы некоммерческой организации, деятельность которой основана в соответствии с Федеральным законом от 11.08.1995 № 135 Ф3 «О благотворительной деятельности и благотворительных организациях» согласно статье 19 данного закона, благотворительные организации обязаны ежегодно представлять в Управление отчет, содержащий сведения о: финансово-хозяйственной деятельности, подтверждающие соблюдение требований данного закона по использованию имущества и расходованию средств благотворительной организации;

— персональном составе высшего органа управления благотворительной организацией;

— составе и содержании благотворительных программ благотворительной организации (перечень и описание указанных программ);

— содержании и результатах деятельности благотворительной организации;

— нарушениях требований указанного закона, выявленных в результате проверок, проведенных налоговыми органами, принятых

мерах по их устранению.

По результатам контроля Управлением Министерства юстиции Российской Федерации по Республике Дагестан в соответствии с законодательством Российской Федерации могут быть приняты следующие меры:

— вынесение предупреждения (внесение представления);

— приостановление деятельности общественных объединений и религиозных организаций;

— возбуждение дела об административном правонарушении;

— направление в суд заявления о приостановлении деятельности политической партии и ее региональных отделений, религиозных организаций или ликвидации некоммерческой организации;

— подготовка должностным лицом Минюста России (территориального органа) документов, предусмотренных пунктами 109-110 Административного регламента осуществления Министерством юстиции Российской Федерации государственного контроля (надзора) за соответствием деятельности некоммерческих организаций уставным целям и задачам филиалов и представительств международных организаций, иностранных некоммерческих неправительственных организаций заявленным целям и задачам, а также за соблюдением ими законодательства Российской Федерации, утвержденный приказом Минюста России от 30.12.2021 г. № 274.

О звании «Мать-героиня»

(Начало на 1-стр.)

дети должны являться гражданами России.

«Установить, что при присвоении звания «Мать-героиня» награжденной матери выплачивается единовременное денежное поощрение в размере 1 млн рублей в порядке, определяемом правительством РФ», — говорится в документе.

(Из СМИ).

Гум`арин кьялан мектебдин мялимарин, техработникарин ва урхурайидарин коллективди, душваь мялимиди лихурайи Ханзада Къзиевайин гьардаш
Гьяжиагьа
кечмиш хьувал дерин пашманвалиинди мялум ап1бахьди сабси, дугъаз, дугъан хизандиз ва багахьлуийриз башсагьлугьвал ккун ап1уру.

(Ответы на сканв № 32.)



Учредитель:
Администрация МР «Табасаранский район».

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25. По всем вопросам качества печати обращаться в типографию Тираж 2325 Заказ №

Главный редактор
И.М. Яралиев.
Табасаранский язык.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер:
ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя:
368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)).
Срок подписания в печать по графику - 17.00
Подписано в печать - 17.00

Телефон:
Главного редактора - 8-967-390-76-85.
Адрес электронной почты:
golostab@mail.ru